

## 10-§. Nomoddiy aktivlarning chiqib ketishi

65. Chiqib ketayotgan nomoddiy aktivlarning qiymati balansdan hisobdan chiqariladi. Nomoddiy aktivlar quyidagilar natijasida korxona balansidan hisobdan chiqariladi:

- a) tugatish;
- b) sotish;
- v) ayirboshlash;
- g) tekinga berish;
- d) ustav kapitaliga ta'sischi hissasi sifatida berish;
- ye) ishtirokchilar tarkibidan ishtirokchining chiqib ketishi chog'ida nomoddiy aktivlar bilan hisob-kitob qilish;
- j) kamomad faktini aniqlash va boshqalar;

66. Nomoddiy aktivlarning chiqib ketishidan moliyaviy natija (foyda yoki zarar) nomoddiy aktivlarning chiqib ketishidan olingan daromaddan ularning qoldiq (balans) qiymatini, nomoddiy aktivlarning chiqib ketishi bilan bog'liq bo'lgan bilvosita soliqlar va xarajatlarni chegirib tashlash orqali aniqlanadi.

Nomoddiy aktivning chiqib ketishidan ko'rilgan moliyaviy natijani (foyda yoki zararni) aniqlashda ilgari qayta baholangan nomoddiy aktivning bahosini o'sishi summasi, ya'ni mazkur nomoddiy aktivni ilgari bahosini o'sishi summalarining ilgari bahosini pasayishi summasidan yuqorisi bir vaqtning o'zida «Uzoq muddatli aktivlarni qayta baholash bo'yicha tuzatishlar» schyoti bo'yicha rezerv kapitalini kamaytirish bilan nomoddiy aktivning chiqib ketishidan ko'rilgan daromad sifatida «Boshqa aktivlarning chiqib ketishi» schyoti kreditiga olib boriladi.